

0.0.1 jūṇhasuttam

1. evaṃ me sutam: ekaṃ samayaṃ bhagavā rāja-
gahe viharati. veḷuvane kalandakanivāpe. tena kho
pana samayena āyasmā ca sārīputto āyasmā ca mahā-
moggalālāno kapotakandarāyaṃ viharanti. tena kho
pana samayena āyasmā sārīputto jūṇhāya rattiyā na-
voropitehi kesehi abbhokāse nisinno hoti, aññataram
samādhim samāpajjitvā. tena kho pana samayena dve
yakkhā sahāyakā uttarāya disāya dakkhiṇaṃdisaṃ gac-
chanti, kenacideva karaṇīyena. addasaṃsu kho te yak-
khā āyasmantaṃ sārīputtaṃ jūṇhāya rattiyā navoropi-
tehi kesehi abbhokāse nisinnaṃ. disvāna eko yakkho
dutiyaṃ yakkhaṃ etadavoca: "paṭibhāti maṃ samma,
imassa samaṇassa sise pahāraṃ dātum"ti. evaṃ vutte
so yakkho taṃ yakkhaṃ etadavoca: " alaṃ samma,
mā samaṇaṃ āsādesi. uḷāro so samma samaṇo mahid-
dhiko mahānubhāvo"ti dutiyampi kho so yakkho taṃ
yakkhaṃ etadavoca: " paṭibhāti maṃ samma, imassa
samaṇassa sīse pahāraṃ dātum"ti. dutiyampi kho so
yakkho taṃ yakkhaṃ etadavoca: "alaṃ samma, mā
samaṇaṃ āsādesi. uḷāro so samma, samaṇo mahid-
dhiko mahānubhāvo"ti. tatiyampi kho so yakkho taṃ
yakkhaṃ etadavoca: "paṭibhāti maṃ samma, imassa
samaṇassasīse pahāraṃ dātum"ti. tatiyampi kho so
yakkho taṃ yakkhaṃ etadavoca: "alaṃ samma, mā
samaṇaṃ āsādesi. uḷāro so samma, samaṇo mahid-
dhiko mahānubhāvo"ti.

2. atha kho so yakkho taṃ yakkhaṃ anādiyitvā āya-
smato sārīputtattherassa sīse pahāraṃ adāsi: tāva ma-

hāpahāro ahosi, api tena pahārena sattaratanam vā aḍḍhaṭṭharatanam vā nāgaṃ osādeyya¹ mahantaṃ vā pabbatakūṭaṃ padāḷeyya. atha ca pana so yakkho 'ḍayhāmi, ḍayhāmī"ti tattheva mahānirayaṃ avatthāsi².

3. addasā kho āyasmā mahāmoggallāno dibbena cak-khunā visuddhena atikkantamānusakena tena yakkhena āyasmato sārīputtassa sīse pahāraṃ dīyamānaṃ. di-svāna yenāyasmā sārīputto tenupasaṅkami, upasaṅkamitvā āyasmantaṃ sārīputtaṃ etadavoca: "kacci te āvuso khamanīyaṃ? kacci yāpanīyaṃ? kacci na kiñci dukkhaṃ?"ti. "khamanīyaṃ me āvuso moggallāna, yāpanīyaṃ me āvuso moggallāna, api ca me sīse thokaṃ dukkhaṃ"ti.

4. acchariyaṃ āvuso sārīputta, abbhūtaṃ āvuso sārīputta, yāva mahiddhiko āyasmā sārīputto mahānubhāvo. idha te āvuso sārīputta, aññataro yakkho sīse pahāraṃ adāsi. tāva mahāpahāro ahosi, api tena pahārena sattaratanam vā aḍḍhaṭṭharatanam vā nāgaṃ osādeyya³ mahantaṃ vā pabbatakūṭaṃ padāḷeyya. atha ca panāyasmā sārīputto evamāha: "khamanīyaṃ me āvuso moggallāna, yāpanīyaṃ me āvuso moggallāna, api ca me sīse thokaṃ dukkhaṃ"ti, acchariyaṃ āvuso moggallāna, abbhutaṃ āvuso moggallāna, yāva mahiddhiko āyasmā mahāmoggallāno mahānubhāvo. ya-tra hi nāma yakkhampi passissati, mayaṃ panetarahi

¹osāreyya - katthaci

²apatāsi - machasaṃ

³osāreyya - katthaci

paṃsupisācakaṃpi na paṣṣāma"ti. assosi kho bhagavā
dibbāya sotadhātuyā visuddhāya atikkantaṃānussikāya
tesaṃ ubhinnaṃ mahānāgānaṃ imaṃ evarūpaṃ ka-
thāsallāpaṃ.

5. atha kho bhagavā etamatthaṃ veditvā tāyaṃ velā-
yaṃ imaṃ udānaṃ udānesi:

yassa ūpamaṃ cittaṃ,
ṭhitaṃ nānūpakampati;
virattaṃ rajaniyesu,
kopaneyye na kuppati;
yassevaṃ bhāvitaṃ cittaṃ,
kuto taṃ dukkhamessatīti.